



## Služba za društvene djelatnosti i upravu

Broj: 03-20-2390/25  
Lukavac, 15.08.2025.godine

Na osnovu člana 17. Pravilnika o uslovima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države („Službene novine Federacije Bosne i Hercegovine“, broj:78/09), te člana 6. Pravilnika o kriterijima za izbor korisnika za ostvarivanje prava za korištenje sredstava ostvarenih od zakupa poljoprivrednog zemljišta u vlasništvu države za uređenja poljoprivrednog zemljišta procesom melioracija i agrotehničkih mjera broj: 03-20-2377/25 od 15.08.2025.godine, Služba za društvene djelatnosti i upravu Grada Lukavac raspisuje:

### **JAVNI POZIV za predaju zahtjeva za ostvarivanje prava na korištenje sredstava ostvarenih od zakupa poljoprivrednog zemljišta u vlasništvu države za uređenja poljoprivrednog zemljišta procesom melioracija i agrotehničkih mjera**

Predmet Javnog poziva je prikupljanje prijave (zahtjeva) za korištenje namjenskih sredstava ostvarenih od zakupa poljoprivrednog zemljišta u vlasništvu države u svrhu uređenja poljoprivrednog zemljišta namijenjenog primarnoj poljoprivrednoj proizvodnji, odnosno sufinansiranje uređenja poljoprivrednog zemljišta procesom melioracija i agrotehničkih mjera.

### **I. PRAVO UČEŠĆA I USLOVI ZA OSTVARIVANJE PRAVA ZA KORIŠTENJE SREDSTAVA ZA UREĐENJE POLJOPRIVREDNOG ZEMLJIŠTA PROCESOM MELIORACIJA I AGROTEHNIČKIH MJERA**

#### **A) OPĆI USLOVI**

Pravo na korištenje sredstava ostvarenih od zakupa poljoprivrednog zemljišta u vlasništvu države za uređenja poljoprivrednog zemljišta procesom melioracija i agrotehničkih mjera poljoprivrednog zemljišta imaju fizička i pravna lica koja ispunjavaju slijedeće opće uslove:

- da se bave poljoprivrednom proizvodnjom sa sjedištem/prebivalištem na području grada Lukavac,
- da su upisani u Registar poljoprivrednih gazdinstava i registar klijenata koji vodi nadležna Služba Grada Lukavac
- da je poljoprivredno zemljište na kojem će se primjenjivati ili se primjenilo uređenje zemljišta procesom melioracija (izgradnja i održavanje sistema za odvodnjavanje i navodnjavanje, poboljšanje kvaliteta poljoprivrednog zemljišta, kultivacije livada i pašnjaka, pretvaranje neobrađivog poljoprivrednog zemljišta u obradivo) i agrotehničkim mjerama (krčenje, čišćenje, ravnanje i nivelisanje terena tabljanje poljoprivrednog zemljišta, meliorativna kalcizacija i humizacija, produbljivanje oranice, remedijacija poljoprivrednog zemljišta, osnovna i dopunska obrada, sprečavanje erozije i zakorovljenosti, čišćenje kanala, mjere za zaštitu od poljskih šteta, korištenje i uništavanje biljnog otpada, održavanje živica i međa, održavanje poljskih puteva i druge agrotehničke mjere) u 2025. godini u vlasništvu sa dijelom 1/1, odnosno da imaju Zemljišnoknjižni izvadak kao dokaz o vlasništvu 1/1 ili Ugovore o kupovini poljoprivrednog



zemljišta ovjerenog od strane notara i dokaz da su u postupku rješavanja imovinsko-pravnih odnosa kod nadležnih organa ili da su isti završili.

## **B) POSEBI USLOVI**

Pored navedenih općih uslova, posebni uslovi su:

- da je poljoprivreda osnovno ili dopunsko zanimanje,
- broj članova gazdinstva, odnosno broj uposlenih radnika,
- površina poljoprivrednog zemljišta koje se koristi za poljoprivrednu proizvodnju čini jedan kompleks,
- minimalna površina poljoprivrednog zemljišta za realizaciju projekta uređenja poljoprivrednog zemljišta u kompleksu iznosi 5 hektara.
- posjedovanje poljoprivredne mehanizacije.

## **II. POTREBNA DOKUMENTACIJA ZA PODNOŠENJE ZAHTJEVA ZA OSTVARIVANJE PRAVA NA KORIŠTENJE SREDSTAVA ZA UREĐENJE POLJOPRIVREDNOG ZEMLJIŠTA PROCESOM MELIORACIJA I AGROTEHNIČKIH MJERA**

Podnosioci zahtjeva trebaju priložiti slijedeću dokumentaciju:

1. Uredno popunjen zahtjev (prijavu) potpisan ili ovjerena pečatom podnosioca zahtjeva (prijave) za pravna lica i obrtnike;
2. Rješenje o upisu u sudski registar – pravna lica ili rješenje o obavljanju djelatnosti izdato od nadležnog općinskog organa za obrtnike (original ili ovjerena kopija),
3. ID broj za pravna lica i obrtnike (original ili ovjerena kopija),
4. Uvjerenje o izmirenju poreskih obaveza, ne starije od 6 mjeseci,
5. Potvrda Uprave za indirektno oporezivanje BiH o podmirenim obavezama za pravna lica (original ili ovjerena kopija),
6. Bilan stanja i bilans uspjeha za prethodnu godinu za pravna lica,
7. Original ili ovjerena kopija zemljišnoknjižnog izvadaka izdatog od nadležnog organa ili Original ili ovjerene kopije Ugovora o kupovini poljoprivrednog zemljišta ovjerenog od strane notara i dokaz da su u postupku rješavanja imovinsko-pravnih odnosa kod nadležnih organa ili da su isti završili za poljoprivredno zemljišta na kojem će se provesti ili su provedene mjere uređenja procesom melioracija i agrotehničkih mjera,
8. Original ili ovjerene kopije Kopije katastarskog plana za predmetne parcele na kojima će se raditi ili su urađene mjere uređenja procesom melioracija i agrotehničkih mjera poljoprivrednog zemljišta (original ili ovjerena kopija),
9. Potvrda (garancija) općinskog organa nadležnog za prostorno uređenje da kandidirano zemljište nije Prostornim planom određeno za građenje, uz izvod iz Prostornog plana općine za područje na kojem se nalazi kandidirano zemljište (u skladu sa članom 22. tačka 11. Pravilnika o uvjetima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države „Službene novine FBiH“, broj 78/09)- (original ili ovjerena kopija),
10. Investicijski program za zemljište na kojem se predviđa uređenje ili je uređenje završeno sa troškovnikom ulaganja vlastitih sredstava i dokazom o plaćenim troškovima ulaganja izvođačima radova na uređenju poljoprivrednog zemljišta procesom melioracija i agrotehničkih mjera,
11. Potvrda o upisu u Registar poljoprivrednih gazdinstava i Registar klijenata koju izdaje nadležna općinska Služba,
12. Dokaz o posjedovanju mehanizacije (ovjerena kopija saobraćajne dozvole za mehanizaciju koja podliježe registraciji ili ovjerena izjava za posjedovanje mehanizacije koja ne podliježe registraciji),
13. Dokaz o uplati administrativne takse na zahtjev.

Minimalna površina poljoprivrednog zemljišta za uređenje procesom melioracija i agrotehničkih mjera koji čini jedan kompleks iznosi najmanje pet (5) hektara, a u cilju uređenja poljoprivrednog zemljišta za poljoprivrednu proizvodnju ratarskih, povrtlarskih kultura, kao i krmnog bilja.

Ukupna sredstva za ovu mjeru iznose **15.506,00 KM**.

Ukoliko ukupan iznos obračunatih novčanih sredstava po svim urednim zahtjevima bude veći od planiranih sredstava, izvršit će se proporcionalno smanjenje iznosa novčanih sredstava po korisniku.

### **III. PROCEDURA ODABIRA KANDIDATA ZA DODJELU SREDSTAVA**

Gradonačelnik Grada Lukavca imenuje stručnu Komisiju za odabir kandidata za dodjelu sredstava koja će imati zadatak da pregleda prispjele prijave i dokumentaciju, evidentirati kandidate koji ispunjavaju uslove iz Javnog poziva.

Komisija neće razmatrati nepotpune i neblagovremene zahtjeve i isti će na prijedlog Komisije biti odbačeni zaključkom službe nadležne za poslove poljoprivrede.

Protiv zaključka korisnik može izjaviti žalbu Komisiji za rješavanje u drugostepenom postupku Gradskog vijeća u roku od osma dana od dana prijema zaključka.

Ukoliko Komisija utvrdi da su kandidati podnijeli prijave na Javni poziv, a da nisu ispunili obaveze iz svih prethodno sklopljenih Ugovora o dodjeli novčanih sredstava iz Budžeta Općine/Grada Lukavca po raspisanim Javnim pozivima iz prethodnih godina, prijave istih se neće uzeti u razmatranje.

Komisija na osnovu svih prethodno izvršenih radnji sačinjava i predlaže listu krajnjih korisnika koju dostavlja Gradonačelniku.

Saglasnost na predloženu listu daje Gradonačelnik.

Služba za društvene djelatnosti i upravu, nakon dobijanja saglasnosti od strane Gradonačelnika na predloženu listu, sačinjavat će Odluku o isplati odobrenih novčanih sredstava za uređenja poljoprivrednog zemljišta namijenjenog primarnoj poljoprivrednoj proizvodnji, odnosno sufinansiranje uređenja poljoprivrednog zemljišta procesom melioracija i agrotehničkih mjera.

Ukoliko ukupan iznos obračunatih novčanih sredstava po svim zaprimljenim zahtjevima bude veći od raspoloživog iznosa za novčane podrške po Javnom pozivu, proporcionalno će se smanjiti odobreni pojedinačni iznos novčane podrške.

Javni poziv će biti objavljen na oglasnoj ploči Grada Lukavca, službenoj web stranici Grada Lukavac i Radio-televiziji Lukavac.

**Javni poziv teče od 26.08.2025 godine i ostaje otvoren zaključno sa 09.09.2025. godine do 15<sup>30</sup> sati.**

**SAGLASAN  
GRADONAČELNIK**

**Dr.sci. Edin Delić**

**POMOĆNIK GRADONAČELNIKA  
Službe za društvene djelatnosti  
i upravu**

---

**Mirela Bubić, dipl. pravnik**